



虛舟集卷之四

五言排律

山居約馬自牧同隱

卜築遠囂塵松泉落澗濱山雲常共醉海月不羞貧
看竹琴留客尋芝鹿傍人露巾裁落芟野飯薦香芹
樹變啼園鳥溪遊縱壑鱗蕙床眠薄暝桂酒賞芳春
入社高僧共尋山短屐頻市城能掃迹逢尔結為隣

夏日同呂民部宴臺山閣書贈邑令沈丙

林吹遠橫塘山亭挹眾芳琴尊延勝引環珮集仙郎
高詠揮麾塵飛泉激羽觴首薰衣入麝玉冷簟浮湘
鳳想辭丹液鸞絨貯縹囊群峯屏遍列一水鏡牽長



寶瑟頻調柱清歌迥繞梁澗花開作對山鳥下成行
已判徵仙事還疑倒醉鄉染塵慚汨沒畢景恣徜徉
桂城流初冕松樞促晚涼幽期殊未已書此報河陽

贈童將軍

聖德垂文統開疆仗武臣熊羆偏兆渭崧嶽再生申
控節三邊靜謳歌萬國春策勳來汗馬剖券寄雄闈
何處推名閣淮陽識異人起家龍劍舊錫命虎符新
略地功名在專城寵渥臻朔方推鄧禹南土戴曹彬
事業誰能擬賢郎更絕倫鳳毛看鸞鷟種得麒麟
勇畧仍無匹雄韜動有神聲名傳此日光彩擅
閩外今無事邊陲早控塵轆轤閒夜月埤睨倚
秋旻

國士延毛遂華筵召郗詵五戎流美頌百粵仰深仁
自咲飄蓬客難同入幕賓轅門叨接猛斗篆未誇秦
三粲登樓處相如作賦晨不應知已戀誰作浪遊身
伏心猶壯攀韉氣未馴素書如可試黃石舊為隣

寶珠蘭若

萬花明晚嶂一迳靄天香問法逢龍勝尋山到鴈堂
梵輪標月相石鏡讓珠光野興看雲逸松泉捲幔涼
洗心依覺苑作禮面空王初地超凡品冷然萬慮忘

蔣山法會瑞應詩應制

作

寶地捧金仙璇宮啓梵筵真僧騰異域開士唱三緣
說法雲成蓋談經花雨天祥光凝彩絢甘露瀉珠圓

天樂憑虛下神灯徹夜懸勝因濟妙筏覺路指迷川
祇樹春光溢靈山會儼然頭茲弘至化皇運共千年

白鹿應制

樂園歌周室呈祥出漢圻神胚全毓秀瑞采玉為姿
顧兔寧堪匹祥鳥未足竒露毛偏濯 霜角自離
謾點蒼崖雪曾嚼紫嶺芝來依琪苑靜馴傍玉階宜
壺嶠遺仙迹窮荒 遠夷何如昭景既重覩聖明時

送人戍邊

玉勒浮雲駢雕鞬明月弓日邊辭帝輦天際逐沙蓬
百戰兵符動三門將卷雄戈矛明積雪旌旆疊高風
朔漠窮陰外幽關落照中壯懷何以贈劍氣欲吹虹

挽林思和校文

冠冕長林後詩書百粵尊九侯傳世澤双闕表名門
學海文風盛黌宮教雨存朋簪方濟 逝水竟云
寂寞餘詩社飄零散酒樽琴書徒爾恨鍾鼎更誰論
夜月看歸鶴秋猿伴旅寬園林荒竹樹風雨敗蘭蓀
走訃驚千里悲歌向九原猶疑騎列宿箕尾不堪捫

題天台梁氏聚青山房

絕巘隣滄島中峯接上台林間別阜出窓外聚青來
選勝宜招隱栖幽異鑿坵白雲華頂鶴瀑布石屏雷
羽客停鸞吹仙人共酒杯烟霞林鹿伴冠蓋嶺猿猜
自咲羈塵內何由避俗媒憑題紫芝曲寄謝赤城隈

題嘉禾楊郡守綠野亭

南藩開別邸五馬駐仙輶地接三吳壯山連百粵青
簪纓延上客詩酒聚文星妬舞花當戶傳歌鳥近屏
園丁供核筐野老獻茶經架展黃封軸門題墨客銘
白雲隨捲幔華月似窺櫺雅趣林泉洽幽懷海岳冥
徐生高士宅揚子草玄亭未足同風調徒應襲露螢
須知穎川政鳴鳳下郊坰

呈陳司馬

大將分雄閫名卿出上台五戎資廟畧萬里掃炎埃
鐵騎如雲集樓舡際曉開月將弓影滿霜逐劍鋒摧
寵賚當陽節人憐定遠材指麾停羽筴談笑許龍媒

銅柱功寧羨金臺志不回豈伊專鉞斧更爾賴鹽梅
自咲疲駑甚聊因附驥末未携孫楚策屢接禰衡杯
汲引寧忘自吹噓幸見臨酬恩看玉劍千里動風雷
環壁軒為劉金憲題

憲節依南紀開軒得宦幽引泉窺蜃胍鑿地應龜謀
團鳧疑初墮輪光訝未收不隨方冶合宜傍月江流
荷蓋侵書幌芹香點客裘漫同瞻泮水非是奠圓丘
蒲穀生當異琮璜勢欲侔奎文時貫戶雲漢半藏陳
色媚沉珠浦輝聯釣玉洲探源窮妙理觀化仰前脩
映采颺輶鷺忘機狎野鷗鑑容堪整佩濯足詫垂鈎
檻俯花如咲橋成木自樛燕衝飛絮入魚吻亂萍浮

潤溥臺前栢聲諧阼外環瑩深瑕不染光重價難酬
才子誇神遇羣公事勝遊賦詩借酌洞載酒擬消愁
涼思通規牖清涼得上游懸車曾有約揮棹倚高秋

游海珠寺示同游文憲使周僉憲

絕島波心見棲身玉鏡中欲觀鰲背日還仗鷓鴣風
客思負壺外雲程若木東蜃光晴作霧海氣晝成虹
僧刹蛟龍護神珠水月通同遊多逸侶歸棹擬乘空

五言律詩

塞上曲

飛雪迥千里春來草不生曉辭驃騎幕夜薄左賢營
性命酬恩寵心寬戀苦旌誰知麟閣上青簡貯芳名

其二

中夜旄頭躍將軍遠戍邊磧昏旗影暗冰滑馬蹄穿
劍拂秋蓮色弓彎塞月圓直須清大漠萬里勒燕然

其三

代馬風雲色吳駒霜雪明三邊傳警候萬里事橫行
凝從陰山騎遙連瀚海兵願開玄漠持答泰階平

其四

逐虜金微道一上單于臺關門秋色斷羌笛夜聲哀
少婦龍沙夢長安鶴使回祇今青海月流影碧天來

隴頭水

隴底望秦關蕭蕭隴水寒照人猶帶恨飲馬不成湍

落日邊塵合秋風虜騎殘誰磨三尺劍直為斬樓蘭

楊柳枝

春光曉漸饒楊柳暗宮橋嫩葉疑愁黛織衣倦舞腰
祇應悲成遂那解綰蘭橈更待花如霰紅顏為尔凋

梅花落

青樓嘆落梅獨赴自徘徊帶雪粘歌扇因風上鏡臺
晚粧誰更點邊角正堪哀望斷尋香徑依、滿綠苔

小垂手

秦女騁妖嬈春風步翠翹只疑花作臉更訝柳為腰
燭暗花鈿墮風輕羅帶飄自矜纖弱態不羨掌中嬌

巫山高

巫山不可望、極使人悲樹暗啼猿峽雲空神女祠
秋聲留別恨夜月悵佳期欲問高唐事惟應采玉知

入西山訪張隱士

兩岸噴飛瀑結屋烟蘿裏山人不冠履客至同隱几
獨鶴海上歸孤雲澗中起淨掃白石床風來墮松子

晚歸湖上

一逕愜幽尋悠然世外心不緣流水泛那識落花深
潭影澄天鏡松聲韻素琴前林烟磬發歸晚月沉、

偶行山中得清冷泉

萬籟曉俱寂風泉有遠音偶隨青嶂去因到白雲深
噴薄疑飛雪冷清可照心坐來天影澹一曲韻瑤琴

山寺尋僧

尋山憶慧能，問偈遇真僧。竹覆山門雪，花藏古殿燈。
千家供法食，一衲絰疎藤。不是遺經呪，多應悟上乘。

尋鄭道士坐清輝閣

吟秋入翠微，高閣坐清輝。鴻寶傳真訣，清齋話息機。
澗雲生野屐，山雨拂塵衣。自是支離久，依方早有歸。

憶陳昇

京國一為別，橋門十載春。齋盥朝共飯，風雨夜連茵。
玉樹誰先折，泉臺竟不晨。空將知己淚，西望洒風塵。

過董江臺懷從範

陳君才八斗，何謝建安人。不折月中桂，誰憐泉下身。

高臺枕流水，故業委荒榛。忽聽山陽笛，淒清滿四隣。

送夏堯簡宿怡山蘭若

別路繞珠林，秋來落葉深。一燈今夜雨，千里故人心。
已覺空門幻，還驚旅况侵。坐聞鍾鼓曙，離思轉沉沉。

陸氏山池

淡、牽銀藻娟、種玉蓮誰開，照膽鏡中有洗心泉。
萍散山流影，雲收月墮天。願隨鷗鷺侶，薄暮宿寒烟。

送黃尊師歸華山

我送金華子，西歸玉女峯。瑤笙飛一鶴，寶劍佩雙龍。
人問丹砂訣，天清碧澗鍾。遙知騎白鹿，韓眾定相逢。

送人以故將名用

秋風大道傍立馬盡餘觴興逐孤雲遠情隨去路長
廉頗思趙七漢王憶馮唐莫奏桓伊笛蕭條兩鬢霜
太白金華楊秀才幽居

揚子幽居處開窓面遠空水喧明鏡裏雲落畫屏中
捲幔留山月揮絃送晚鴻何人問竒字載酒野橋東

白雲寺贈僧

道林說法處應在白雲邊宴坐度小劫冥觀入大千
諸天花雨遍雙樹慧燈懸何日東林社相期種白蓮

詠毛女

拂黛逃秦苑羞蟬入漢年羽毛滋異藥山谷遇真仙
夜月思金屋春風漱玉泉折花壽玉母羸女解相憐

詠西施

浣紗白石上本住越溪濱一入吳王苑遂為傾國人
春華嬌艷質秋水助精神寄謝東隣女雙蛾莫効顰
朝退懷南湖草堂寄舍弟及舊社諸游好

朝回獨掩扉高卧息塵機春色如憐客飛花故點衣
鴈行驚別久鶴病憶群稀何日南湖上春雲滿棹歸
題金道士丹室

石洞掃烟霞仙壇覆落花人間尋鶴侶天上駐鸞車
瑤圃桃成實金盤棗似瓜待予休物累從尔問丹砂

立春早朝賜酺答鄭編脩之作

玉曆新頒後千門曉色鮮青雲于舜日和氣入堯年

高品初傳勅中庖預列筵愧非枚乘侶雨露沐恩偏
大祀候蹕有成

天上開黃道雲間落鳳韶侍臣瞻豹尾列從護雞翹
羨錫皇心豫春迴瑞靄飄萬方雨露鼓舞頌軒堯
贈羽林翟大

十二羽林郎星文映上蒼承恩當列仗走馬出長楊
夜宿平康里春遊俠客場袖中挾匕首萬里報君王

閣下贈同官王洪

王子才無敵冰壺映世稀賦成金韻遠詩奪錦袍歸
入侍趨丹禁承恩拜瑣闈茂陵慙久病日欲解朝衣

其二

日射黃金闕春回白玉堂地分清切處人在碧雲鄉
彩筆傳天語宮袍染露香明朝還獻賦遲尔沐恩光

寄茅山道士

天轉招搖近山藏句曲深龍歸丹井暗松覆碧壇陰
賣藥留金訣看雲抱玉琴夜來笙鶴下微應步虛吟

和王舜舉春日襄陽之作因送之歸

漢水千年綠襄陽二月時人歌大堤曲春到習家池
且縱山公醉寧同叔子悲葛疆今已老歸馬莫教遲

賦得邊城雪送行人胡敬使靈武

萬里燉煌道三春雪未晴送君走馬去遙似踏花行
度磧迷沙遠臨關訝月明故鄉飛鴈絕相送若為情

賦得駃騠馬送黃采巡按北京兼寄蕭福王選二易史
錦勒五花駃騠長鳴向北風已看千里去坐覺萬群空
歎玉燕山遠鳴鑿剡水通使君同攬轡早晚奏奇功
贈御醫蔣彥文

昔年遊海上晚歲住京華肘祕盤囊訣爐存伏火砂
進方親御袞種藥借隣家欲問廬山杏年來幾度花
枕周貧外玄

早歲擅芳名中年一宦成蒿花平日淡烟月故山情
落冕稽中散猖狂阮步其可憐埋玉處芳草傍誰生
送李校尉致仕還江左
雄劍變龍鳴閔河白髮生功成百戰後老去一身輕

夜月桓伊笛秋風驃騎營燕歌何處寫曲罷有餘情
送趙友同還華亭時水泛三吳

積水渺無際送君江上還九峯何處所迢遞白雲間
舊業菱荷在秋風鷗鷺閒定知三泖月相見一開顏
送人之毘陵

興盡一杯酒相看欲別時孤帆乘吹發一鴈度江遲
千古蘭陵令秋風季子祠勝遊多感慨為爾寄遐思
書懷寄友人還建安

將乏金張援官無子孟資庖人蓋獨割片祝謾相知
此夜金陵月明朝瓊樹枝武夷山水郡相憶在題詩
送友游吳適越

斗酒興不淺南遊幾日迴擔囊無俗物訪古及吳臺
腰下延陵劍手中張翰杯若逢梅福問相與上天台
送平直之沔陽學正

楚澤三秋近荆門一望開沔流緣泮入巫樹擁屏來
共訝平當老誰憐宋玉才鳳歌時有客狂狷待君裁
舟中贈司馬秀才

才子茂陵客何年賦遠遊家藏封禪草身著鸛鶴裘
未贈王祥劍先同郭泰舟明朝霄漢上一鷄看橫秋

贈妓

白雪調歌曲芳蘭託慧心舞迴香影亂咲掩黛痕深
夜月牽情夢秋鴻覓斷音江州司馬淚曾為一露襟

其二

竹枝歌送君錦瑟不堪聞欲識芳心恨恁將寶帶分
碧峯留黛帶秋水學湘裙明日陽臺上空瞻一段雲

分題賦得白櫻桃

嫩葉雕輕翠新葩倚淡粧鳥來雲度影人靜月籠香
未擬收珠實先應倒玉觴綸巾才欲岸微墜露華涼
賦得花影

欲拂更紛空香寐不聞亂迷芳蝶夢輕護錦苔紋
襯月籠書幌日風颺舞裙莫移庭下步蹴碎一階雲

送人之蜀郡守

聞道蠶叢國西連漢隴平三年懷紫袖萬里慰蒼生

夜月巴川靜，秋風錦水清。
請看霜鶚試，莫使雪山傾。
渡揚子江

四月驚濤白，扁舟發大江。
不因臨絕險，那使壯心降。
天際群峯碧，磯頭白鳥羣。
勝遊殊未已，聊爾駐麾幢。
岳陽送同官王洪中書舍人吳均入蜀

五月不可觸，三巴未易行。
共因嚴使命，同此念王程。
月下猿聲斷，雲中鳥道橫。
明朝相憶處，夢繞錦官城。

嚴州江上

短棹蕩江春，風物候新岸。
花飛送酒沙，鳥近窺人。
碧樹籠青嶂，芳洲點綠蘋。
日悲城市裏，日醉車塵。

其二

巖子投竿處，春來載酒過。
潮聲通越近，山色入吳多。
沙際舟如月，雲邊鳥似歌。
客程隨去住，那許嘆風波。

西山訪李徵士夜歸

山翠雲邊墮，溪聲竹外虛。
尋秋窮謝屐，隔水訪陶居。
隣姬供新醞，家童剪夜蔬。
醉歸蘿葦底，殘月在襟裾。

別宗上人

孤琴宿白君，一錫喜逢君。
只為譚空妙，因悲染世氛。
窮秋燈影靚，殘月梵聲聞。
明發身無住，空山又斷雲。

舟中望九峯

雲錦積岩堯，屏風倚石霄。
猿聲聽不盡，山翠望還消。
俗駕何由稅，仙人不可招。
夜深理孤棹，乘月逐歸潮。

送孫處士歸四明

聞說四明路迢迢，隔剡溪天連滄海。閣樹擁白雲低，山憶謝公詠人宜賀。監柄送君從此去，欲使宦情迷。

除夕

殘雪初消夜陽光已，報春客懷誰共慰。孤燭自相親，寂寞烟霞夢飄飄。漢身君恩何以報，來日歲華新。送沙予淮一赴祿州別駕。

客食酒初香，都門柳色黃。一官仍別駕，萬里赴炎荒。江路猿聲早，山城松葉涼。遠人勞撫字，且勿厭殊方。送人令西出海。

二月都門柳，那堪別離雙。鳧舞日下，疋馬到天涯。海氣滄溟夕，山郵瘴雨時。惟應南海月，千里照相思。平樂溪中。

一水縈銀練，亂山攢劍鋒。誰家孤嶼火，落日古城鐘。衰病易為感，韶華何處逢。平生慕幽寂，對此太愁儂。五羊城遇張順論舊有懷。

疋馬到炎荒，逢君鬢已蒼。邑人傳左語，官樹隱殊鄉。感舊看長劍，緘情憶繚囊。明朝愁又別，天海共茫茫。其二。

握手京華道，相看又幾年。宦情淺澹泊，鄉思共依然。滄海浮空遠，孤城落日邊。斗槎如可借，同覓閬壺仙。邕州。

五管推名郡雙江接上游人家蠻洞曉山雨瘴烟浮
遠客誰青眼殊方易白頭夜來南極上分野望牽牛
舟中懷彭詡

遠漢落星稀疎林驛火微已知去國遠况與故人違
旅夢驚殘葉涼聲到客衣何時聯畫舫同望楚雲歸

與張從事夜坐幕府有贈

亞夫登上將劇孟在中軍敵國真堪倚雄姿獨數君
詞鋒傳電掣劔氣動星文戎幕新無事高談坐夜分
泛軍樂軍中錄示諸將

為問從軍樂東南早罷兵尚資磐石計同醉伏波營
寶玦千金換珠抱五采成却慙揚子宅終歲一書生

去歲春其

秋原草色殘千騎擁雕鞍共道從軍樂誰歌行路難
班戈揮日落玉劔決雲寒準擬功成日同歸謁禁鑾

聞總戎破敵有作

功成指顧間一劔定諸蠻後騎方踰甸前軍已斬關
兇徒應破膽黎庶漸開顏麟閣專相待征旗及早還

過梅關

五嶺壯炎服茲關勝獨趨馬留南斗近劔倚北風遙
夜職商人棹晨經使者輶清時閒析吏山水自蕭條

五言絕句

楚調曲

君行巫陽道妾住渚宮湄莫戀荆臺樂輕拋桃李時

紉扇詞

皎潔渾無染團圓孰與裁秋風原不妬四序自相催

飲牛潭

洗耳在潭下飲牛在潭上白鷺飛復來烟中立相向

送人隱松溪

送尔松溪上猿聲樹外聞夜涼弄溪月衣上拂松雲

寄友人

去歲春岫日與君成別離今年春又到君尚客天涯

秋江漁唱

漁舟晚唱來聲在秋江水月明曲未終前汀鷺飛起

荷露

翠盤捧明珠蕩漾圓復碎夜來明月中留得蛟人淚

題美人撲蝶圖

為惜韶華去春深出綉幃撲將花底蝶祇為妬双飛

從劉禮部折菊花歸

三徑猶未歸東籬露華冷折得一枝來蕭蕭怨秋影

望君山

風來洞庭白雨歇君山青巴陵明月夜瑤瑟怨湘靈

虛舟集卷之四

虛舟集卷之五

累月七言律詩

登無諸釣龍臺懷古

高臺遠枕大江流
江上雲屏宿霧收
才子揮毫春作賦
商人酌酒晚移舟
空潭龍去山河改
古殿雲寒劍戟愁
莫向此中多感慨
漢家陵樹已千秋

留別梅溪諸友

涼風才動芰荷衣
却憶青山賦獨歸
近別慈親溫省曠
乍拋酒伴醉吟稀
天邊鴻雁秋雲薄
水面蒹葭夕鳥飛
後夜與君相憶處
蕭蕭羅月掩荆扉
新築草堂成有述

買得幽溪絕世塵林間車馬到無因茅廬新就堪招
隱松菊移來散及隣薄暝鳥歸臨水樹傍崖鹿跡採
芝人廟堂豈敢干時用但恨雲泉了此身
草堂與山僧夜坐自牧馬大見過
移居深入水南村五柳新栽正對門倚岸春流沿翠
簾亂藤栖鳥近黃昏牀頭折簡山人致燈下名香野
衲焚童子夜深知客至隔隣呼取醉芳尊

香暮同周玄郊行宿烟霞道院時約黃生
同奕

累月看花奈醉吟不知春樹變鳴禽偶隨芳草同閑
履靜拂孤雲響素琴塵世閑情人事少松壩期宿夜
燈深明朝入洞觀碁去未許樵夫得見尋

晚至鶴林寺

問訊山人指白雲數聲烟磬隔溪聞竹房燈靜知僧
梵松院苔深見鶴羣聽法夜深山寂寂懶吟衣上月
紛々曉鐘又逐塵緣散此地心期孰與論

山中送陳生歸海上

洞口花飛春欲闌玉缸携酒送君還三年厭見天涯
月千里歸尋海上山壯志功名看髮變浮雲世事與
心閒要知別後相思意萬壑松濤懶閉關

登宿雲臺

一徑緣蘿到上方宿雲臺閣樹蒼々憑虛目送秋鴻

遠向夕窓涵海雨涼童子見人能下拜老僧出定自
焚香近來性癖耽禪悅長向空門禮法王

寄張負外

新年柳色滿都城僊掖朝迴聽早鶯日隱曾埋殘雪
在香傳別殿曉寒輕瑤池阿母憐方朔漢室公卿羨
賈生獨咲長卿淹病久茂陵高臥有餘情

登古囊山辟友岩和瓢所居士之作因寄

黃八察

何處秋吟覓遠公蒼苔古道石林東月生雙樹聞虛
籟香繞諸天見化宮萬法已超言說外此身多在別
離中明朝更寫三生偈去約忘機海上翁

中秋與劉大會溫陵因寄舍弟

相逢斗酒粵江濱客裏襟期有故人天上幾迴今夜
月此生空咲百年身且須縱醉清尊倒謾說憂時白
髮新却憶鴈行同賞處故山回首一露巾

溫陵送劉大還三山

江流慢曙入河低一尺魚笺醉懶題古道菊花秋草
裏敗林莎井露螢啼空林寒影凋芳樹遠澗泉聲下
碧溪客路相逢方絕倒馬蹄何事又東西

秋日與胡泉州會小山叢竹亭分韻

得飛字

秋風江上早鴻飛桂樹團圓影漸稀此日尊前須盡

醉古來林下幾人歸青山烏帽情何戀翠竹黃花願
不遠更愛山亭車馬散照人蘿月自依依

客清源贈董別駕

清時不逐登壇貴瘴海聊因作郡過細柳營中辭虎
竹刺桐花底聽絃歌雙旌暇日朋簪盍別駕行春雨
露多自是清源山水勝日勤車馬訪烟蘿

山中黃博士不至因再約以寄之

秋風吹落桂花殘寂寞淮南賦小山自咲草堂魚佩
冷空將瑤水鶴書還石門蘿月誰同醉洞口松枝抵
獨攀明日角巾能到否呼童竹下掃柴關

春日對酒酬鄭公啓

與君相見即相歡况值芳春感二難尊酒且邀花底
醉流年不用鏡中看江頭草色侵衣袂雨後鶯聲滿
石欄世事悠悠祇如此出門何處可彈冠

送人歸任海南

一曲長歌梁甫吟百年人事幾浮沉青雲北上功名
薄白首南還歲月深贈別臨歧思解劍歸來相憶在
鳴琴江頭日夜東流水欲識瀟湘是此心

登九德山懷林頴因寄

雪後空江一棹過新年草色送離歌心知別後登臨
少福地重來感慨多谷口飛花看薄暝洞門啼鳥掩
垂蘿知君亦有東山屐歸去雲林迤若何

遊仰山寺

優鉢曇花幾樹開寶坊作禮面如來竹邊野納叅方
至龕裏神僧入定回鹿女獻芝依法苑鴈王啣果繞
華臺空門且得休塵累何待人間變劫灰

崇川寄懋功張秀才

百尺灘頭一訪君碧雲秋靄正紛々故人已嘆晨星
少此會翻成落葉分遠樹孤城江上閉晴空踈鴈醉
中間也知西去寧親日還有相思寄斷雲

呈芮建安

翩々五馬擁朱轡遠駐旌旗嶺海間不以專城居虎
竹誰當西顧慰天顏訟庭落葉知秋早階樹啼鳥見

吏閒早晚穎川先奏捷大廷車劍爲君頌

與夏少府迪話別登薛老峯

新秋客裏喜相逢絕頂登臨興不窮遠嶼綠波孤鳥
外亂山黃葉白雲中明朝霄漢應誰共別墅琴尊此
會同去後重來相憶處短筇吟倚候歸鴻

同自牧瓢所宿張氏南樓

鳥下平蕪夕靄收偶携江客宿層樓月明清夜聞鴻
鴈窓近天河絳斗牛幾杵鐘聲雲外杳千家曙色暝
中浮醉來枕藉秋衿薄疑借僊槎覓遠遊

過舊游有感

濕雲如醉護輕塵黃蝶東風滿四隣新綠只疑銷晚

黛落紅猶記掩歌唇舞樓春去空殘日月榭香飄不見人欲覓梨雲僂夢遠坐臨芳沼獨傷神

秋日懷林源前輩

載酒行吟野寺秋青山去後與誰遊懷人獨卧雲中鳥感興頻登江上樓黃菊久拚陶令醉白頭重抱仲宣愁夜來明月還相照好寄心期到劍州

冬日與諸生登天香臺書寄王處士

拂曉登臨上翠臺天風吹送遠香來雲空碧海三山小臙盡寒梅一樹開下界人看塵劫外上方鐘斷白雲隈縱山忽憶吹簫侶為寫寫緘付鶴迴

寄自牧時客林玉生別館

繁浮生慣學水中萍
客程蘭棹天邊遠
舊業柴扉海上
高若向山陰逢道士也應為寫換鷺經

駕幸太學后從有作無似胃監諸博士

金輿旦出九重城
壁水風雲氣色清
千載衣冠尊俎
豆萬方禮樂值文明
橋門列士瞻天近
雲路羣仙捧日行
講席更聞敷典誥
頭將虞夏翊昇平

退朝左掖聞鶯追和鄭紀善之作

帝城春早覺春和
朝罷鶯聲送珮珂
文羽不隨天仗
散調香偏傍上林
多嬌連雀石花前
聽迥雜雲韶柳
外過却憶故園芳
樹底傳盃為尔罷狂歌

元夕午門侍宴

臘雪霏微柳外消
天衢香雪謫逐人飄
千門火樹攢珠
斗五夜笙歌下碧霄
玉醴思頌春色早
金波影浸漏
聲遙侍臣霑露將何補
願頌康哉荅聖堯

早朝同負外玄賦時有祀事

花擁千官刻漏傳
蓬萊遙在五雲邊
星移北斗當宸
極樂動南薰
捧帝筵遲日漸
晞仙掌露輕風
猶裊御
爐烟明朝海上祠
金馬紫鳳丹書下九天

元夕黃庶子淮宅

詠蓮花燈和胡

學士廣韻

剪製芙蓉朶
新元宵分得玉堂春
祗疑金炬來深
夜未許青藜
繼後塵
星華乍
極光滿座月波才動影

玉節重持出禁闈，都門觀餞有光輝。
三湘曉色隨駉馬，五嶺春雲上繡衣。
島樹盡隨霜後落，遠人多在日邊歸。
會看滄海澄清遍，一鷲橫空似子稀。

送林叔亮教授四明

秦淮新鴈不堪聞，惆悵官亭一送君。
尊酒暫留吳市月，扁舟遙指越溪雲。
秋來幾處寒聲早，海上千峯秀色分。
帳下諸生相待久，未應寂寞嘆離羣。

送顯上人還闕中

半生蹤跡慕雲山，結得真僧住世間。
夜宿孤燈隣妙梵，曉隨清磬度禪關。
心通萬法緣俱寂，目泯空華意自閑。
此日微官牽物累，更堪江上送師還。

自閑如日寄鳴秋趙山人兼似幻居閣士

百橋低覆薛蘿陰澗戶虛窓憶醉吟書寄遠公林下
偈調高中散竹邊琴藥蘭春去啼禽換茶竈秋來落
葉深別後此情何所似題封一寄故人心

送龍河傑者座自五臺歸將赴天台

偶逐孤雲下五臺又携明月上天台衣傳異域曾留
得楓落長江見渡杯上界經行人世別天宮說法夢
中迴明朝相憶霞城遠空仰金繩覺路開

太常葛寺丞惠菊花賦答

重陽陶令嗟無酒咲我霜餘未見花黃菊忽驚移奉
禮白衣後遣到隣家寒生客邸秋光滿擷秀疎英舞

影斜三逕縱令歸未得也應一粲墜烏紗

挽清暉亭林處士

芳洲蘭社正霏々忽訝中峯殞少微雅調何因寄流
水孤琴空自掩清暉雨荒脩竹暮聲靜塵滿閒床鳥
跡稀為問沙頭鷗鷺侶此時誰與更忘機

挽林給事中正

少年簪筆侍承明誰復才華似賈生零落桂枝天上
夢淒涼薤露世間情秋風旅襯歸何處落日泉扉閉
九京欲致生芻陳楚些不堪南望淚霑纓

過晚城謁余忠宣祠

寂寞孤城野水濱亂餘猶見幾家存女墻日落埋秋

草官樹啼鳥集暮雲百戰徒聞存國步孤忠誰復吊
莫竟夜來遺廟空庭月長遂悲銘不忍聞

登小姑山和何禮部韻

宦遊久意愜登臨此日憑高快賞心水盡平湖空外
落天開絕島望中沉仙人遊佩春雲染神女宮環曉
霧侵却羨漁舟烟浦笛數聲何處荅清吟

泛舟漢江示同使何禮部讓

郢樹西連鸚鵡洲前浩蕩漢江流當年神女曾遺
佩此日僊郎更泛舟雨歇鷗鳧屏底見烟光島嶼鏡
中浮平生取有滄浪意一曲傳君入棹謳

過鐵甕城

大江東去浩無窮江上孤城勢最雄天地今逢玉業
盛山河曾咲霸圖空寒潮落盡春雲白沙鳥飛來又
照紅欲訪遺蹤尋海岳月明跨鶴共凌風

過毘陵懷浦舍人源

毘陵烟樹晚依一短徑行尋到夕暉吟社空餘秋草
沒故園時見野禽飛晉宮詞筆應誰繼聖代才名似
子稀此日懷君何處寫臨風惟有一沾衣

到南湖草堂

草堂旧隱白雲邊湖上春風耐醉眠別去松楸頻入
夢重来猿鶴又經年移文漫假山灵誚謝病終須至
主憐明發江頭荀御動晚林重鎖綠蘿烟

登采石蛾眉亭

牛渚磯頭烟水生，蛾眉亭下大江橫。
春歸楚樹浮空盡，山隱淮雲入望平。
瓊館有才看倚馬，錦袍無夢借飛鯨。
停撓欲和渝洲曲，都付吳歌子夜聲。

宿巴陵聞笛

玉簫殘月下，空江秋入思。
冥冥怪來揚柳，移闕塞可是梅花。
落洞庭半夜旅魂隨，調切誰家少婦倚樓聽。
曉來更覓龍吟處，一點君山水面青。

幕中贈張郎中

共投簪筆出蓬萊，万里從戎亦壯哉。
關外論材需豹畧，尊前說劍許龍媒。
中朝人物希先輩，午夜文星接上台。
坐見烽烟銷滅盡，秋風聯轡到雲臺。

寄郭麾使希武

青年建節似君稀，千騎轅門擁鉄衣。
萬里獨留孤劍在，三苗已見遠人歸。
西風暫及黃華醉，遠檄時將白羽揮。
却笑參軍淹病久，未諧清論寸心違。

九月朔日起覺寒甚

誰道炎荒暑氣蒸，重陽未到早寒生。
也知天運隨皇運，頓覺南行似北行。
季氏貂裘猶未理，楚人騷佩暫辭榮。
晚來笳鼓城頭急，祇有歸心對月明。

贈閩帥張鑑航海侯之孫

將軍簪弁旧名門，奕葉曾承雨露恩。
汗馬樓船成往

事玉符金券至今存，節旄正倚雄邊重。弓劍休嗟瘴海昏，早晚馮唐勞帝想。定從白下候歸軒。

憑祥道中遇元夕有懷

曾向蓬萊捧壽觴，良宵湛露沐恩光。鳳笙曲奏梨園譜，鰲背燈移火樹芳。往事別來傷旅恨，流年老去在他鄉。夷歌蠻舞誰能解，馬上看山夜未央。

與友人詠分得紅葉

一片飛來堦下紅，滿林驚覓夜霜空。綠圭不剪封周弟，錦字頻題出漢宮。亂撲狂衣山徑裏，染成秋色夕陽中。幾迴記得停車處，錯把春華認晚楓。

詠萍

忽見新荷長綠萍，恍疑殘雨散銀屏。幻身慣舞風前白，弱質終浮水面青。斗實當年歌赤日，中途何處覓繁星。却慚誰是深根蒂，雨約風翻總未停。

七言絕句

懷仙寄上清何尊師

崇臺高映太羅真，三素流雲繞碧天。玉母不來春又暮，洞門閒却古苔編。雲母屏風月影孤，碧雲琪樹兩三株。道童慣識鈞天舞，偷向堦前教鶴雛。

漢苑行

羞將團扇泣秋風，懶掃蛾眉傍笑叢。一自掖庭辭葦

嚴黎老殘雨瑣深宮
露疑仙掌月華清
燈暗長門夢不成
咫尺昭陽承寵
處夜深猶自按歌聲

閨思

冷落殘箏十指疎
良人遠戍近何如
樓頭數盡南飛
鴈不見遼陽一字書

山居偶成

拂斷紅塵與俗違
雲屏幾曲傍深依
幽蘭小徑無行
跡 亂落松花自點衣

秋山吟望

一徑吟秋到石壇
烟蘿遠映碧峯寒
松邊獨鶴歸來

晚籛得閑雲片上看

題畫美人

八駿瑤池去不廻
蛾眉蕭颯鏡中哀
至今楚水荒臺
上化作行雲夢裏來

題張友謙倭扇山水

萬里空濛海上山
僊人樓閣有誰攀
只緣博望星河
棹移得蓬萊到世間

題畫白翎雀

塞花原草度交河
往日曾隨鳳輦過
一自翠華消息
斷空將遺恨寄雲和

題米老山水

海岳菴前覓舊蹤
蒼茫雲樹米南宮
別來幾片青山影
都付寒鷗一笛風

題趙仲穆小景

疎烟淡月大堤傍
遠樹連牆接水鄉
子夜吳歌鶻宿驚
風流宛似趙家庄

題鶴

五陵鞍馬醉芳塵
翠袖籠香錦翼馴
一自雕屏辭闥影
露苔烟草幾廻春

為周處士題枯木

風摧雨蝕大江濱
寂寞盤龍百尺根
莫笑支離空老却
五陵烟翠幾枝存

為林尚默題新竹

粉籜新凋亂玉叢
青已蒼
萬林空軒廷未製
伶倫管翠濕江南烟雨中

題画馬

鳳翼龍鬃意氣雄
霜蹄蹀躞變觀輕
風時清不作沙場夢
日正承恩列仗中

題林禽山雀

人間不見函封帖
粉墨驚傳落畫屏
山鳥飛來林雨後
蒼苔啄破子青

題梨花折枝

庭院深沈簾幙垂
雪香雲影露參差
別來翠珮春如

夢為洗殘粧付

阿誰

題王孟端畫梧竹

洞門一夜起涼颼
萬籟無聲听漸遙
記得朝迴明月
底井梧埤竹共蕭

題馬苑小景

天際蛾眉淡欲消
樓臺染出襯層霄
玉簫吹徹鴛鴦飛
去人在西湖第幾橋

題僧自悅山中白雲

度壑穿林元是幻
風收雨散却還空
要知自悅與持
贈都在青天片月中

題清源持上人萬壑松濤亭

一徑蕭森萬籟寒
翠濤烟縠耿茫間
道人夜半經行
處悟入声間向上關

題画鶯

半窳芳簾醉夢驚
數聲拂曙繞花城
憑誰借得東風
力吹入簫韶雜鳳笙

題畫鷓鴣

原草飄殘作雪然
日斜馬上闔扉時
五陵別后傷心
事零落涼州笛裏吹

送僧歸山

一錫東歸雪正深
孤峰片月助禪心
道門亦有叅方
者踏遍空花何处尋

贈李進士

自古鐔津騰寶劍，家况住湛盧。峯盤根此日，方看
試白日青天見躍龍。

王奉祠宅餞其伯氏之蜀縣令

我家仙令來何處，又見雙鳧日下歸。明發謝庭看玉
樹，可憐片月憶光輝。

都門飲散動行旌，千里看花到錦城。好借三巴江上
水，與君流作玉琴聲。

夜泊潯陽江驛

度尽名山問楚湘，扁舟此夜泊潯陽。琵琶聲斷知何
處，江水江烟自耿茫。

雨中過洞庭

昨夜南風起洞庭，曉來湖上雨冥冥。忽看天際驚濤
白，失却君山一點青。

長沙懷古

孤城獨上思徘徊，何似人間苦棄材。寂寞湘南烟雨
裏，賈生還吊屈生來。

重登岳陽樓望君山

南湖烟水接天流，天際青螺掌上浮。欲吊湘均何處
是不堪，重倚岳陽樓。

常山道中即事

前山近曉樹蒼蒼，野蕪初抽綠筍長。一路春風如有

約馬頭吹送落花香
提壺聲裏愛山春
山色葱蘢滿四鄰
便欲共尋荷葉
服却慚簪紱
苦紫身

黃州夜泊

岸籠芳樹水籠烟
山月江風共客船
半夜洞簫聲起
處不知誰是玉堂仙

宿鄂渚

補衡洲古白雲低
庾亮樓空綠樹齊
惟見晚空漁艇
火隨風遠過漢陽西

陳司馬舟中賞牡丹分韻得歡字

折露移雲出楚山
錦筵盡舫錦中看
洛陽久負春風

約和對無辭盡醉歡

黃陵廟

芳洲烟草碧萋萋
古廟雲深落日低
剝盡殘碑无可
問春山惟有鷓鴣啼

蔚林與陳司馬言別

鶴嚙嘶風千嶂裏
鷓鴣樓衝浪萬灘中
莫雲春樹重
見客裏相思更不窮

潯州驛

客裏潯陽暫泊舟
驛樓官樹晚烟稠
多情誤在琵琶
夢驚杳杳天廬雨秋

潯州憶丁顯

故人自是龍頭客何似南荒久不歸欲把一觴陳楚
些月江烟雨正霏

登月江樓仙人槎浦也

朝來一上月江樓江雨長涵瘴水流望斷釣槎人已
遠青山點點是邕州

左江錄似友人

左江口水日潺湲鳥語沙棠住百蠻莫道天涯應在
此交州更隔萬重山

交州即事

一騎衝嚴到市橋夕陽烟樹草蕭蕭居人猶指高駢
塔碧瓦朱甍尚未凋

莫道平居是百蠻烟江花月也同攀一後烽火連天
后縱有神珠去不還

交州病中錄似諸友時軍中絕餉以手帖

干主帥索糧

問病尋方事總虛謾旁車馬慰躄躄三年玉署蘭臺
筆學寫顏公乞米書

答謝主帥

半欹烏帽病叅軍万里從戎未策勲不有轅門賢主
帥飄零誰與慰殘魂

曳裾近作轅門客擁節終慙使者星投李報瓊何日
遂空餘豪氣倚青冥

病中懷故山

遠向清溪掩石門，碧蘿烟帳鶴成羣。
一從誤作遊仙夢，誰管秋山幾片雲。

裊、檉陰石徑斜，野人迎住近烟霞。
別來門外滄浪月，開遍青松幾度花。

九日有懷

故園松菊應无恙，上国新醪也自佳。
兩地思歸俱未得，一身長笑在天涯。

九日黃司空招飲不赴書以答之

菊觴萸豆有佳期，客裏憐均慰所思。
不是參軍招不赴，病來烏帽未勝吹。

為馮參議貴題畫風竹馮沅湘人曾為給事中

移得孤根過洞庭，禁埤曾送珮珂聲。
如今座上涼飈滿，一掃炎荒瘴雨清。

寄莫參政時在寶陸破賊

九月西風太白高，喚麾白羽氣偏豪。
明朝崑崙報轅門捷，準擬盧江倒濁醪。

送趙侍郎毅還京

富良江畔草萋萋，旌旆如雲鉄馬嘶。
帳下為君斟別酒，京華歸夢使人迷。

晚眺鬱孤臺

百尺高臺怯暮寒
虎頭城枕碧雲端
紫迴二水蒼龍
吞流下前溪十八灘

雨中登快閣寄畦樂處士
江風吹雨曉霏之
江上孤鴻濕倦飛
欲向滄波期釣
侶清菴未許着荷衣

江上見醱醪分得人字
向來同醉帝城春
馬首東風落絳茵
玉架錦屏消息
斷只今誰是冶遊人

閱兵呈總統戒時積雨大霽
青天昨夜將星明
際曉風雲氣色清
試向閱兵臺上
望豺狼何處敢橫行

將臺高築颶旌旗
百萬貔貅試閱時
上下風雲同一
色天心元與將心期

平安南凱歌
大將南征討不庭
却旄万里耀威靈
轅門五夜狼星
墮直挽天河洗甲兵

萬里炎荒貼海平
腥波千尺舞長鯨
王師百萬從天
下瘴雨蠻烟一霎清

瘴海樓船一夕過
瀘江鉄騎晚鳴珂
皇家飛將功成
日不數當年馬伏波
熠燿參旗護陣門
喧闐鼓角擁回軍
當年麟閣休專
美此日雲臺更策勲

平胡凱歌

六龍曉駕出居庸萬里沙場一掃空制號山川掃奏
凱一時天地為昭融

旗翻魚海三秋雪馬蹙狼居萬里冰五夜旄頭橫陣
落六師齊和凱歌聲

滅胡山下起秋風飲馬河邊日射虹從此五門開不
聞華夷南北一家同

六符同觀泰堦懸壯士平胡北到天萬同衣冠陳玉
帛兩京日月照山川

七言排律

暮雲春樹送張謙

岐路逢君賦遠遊傷心雲樹粵江頭輕陰向夕花前
度秀色將春雨外浮却訝梁園看漸杳恍疑巫峽散
還收白衣霜、迷征旆翠幄籠、引去舟惜別不緣
今日賦高情那記昔人留遙連辰氣江東暝迥帶猿
聲渭北愁夢覺微茫沙上驛醉來掩映水邊樓宦情
已共青霄永別思空隨綠水流若到上林成五色好
分餘蔭及南州

南宮呈大宗伯

東璧文章映列曹南宮冠蓋富英髦名垂霄漢當時

重身接風雲盛世遭花引爐香聞整珮風移扇影見
揮毫蓬萊宴罷春雲集鳩鵲朝回朔雪高坐客盡携
毛遂穎故人曾贈呂虔刀獨憐壁海才華地久遂詞
林姓字叨已覩重光歌舜禹更期獨步許夔臯天瓢
若借恩波及未必臨風嘆二毛

醴泉應制時有禧事青禽白鶴先集慶雲
甘露降

寶筵初建曉蒼々大駕躬臨禮玉皇白鶴青鳶昭孝
感慶雲甘露兆佳祥更傳聖水符前代忽訝靈源湧
上方玉竇泛春時脉々金壘貯月乍泱々薦來只擬
羞萍實挹處渾疑剖蜜房玄酒奠壇同瑩徹黃流在

華等芬芳謾誇沆瀣移仙掌迴謝蒲萄入醉鄉瓊液
久疏神島澹瑤池曾引帝臺漿中元表異還超漢貞
觀論功遠邁唐妙絕醞醕班十瑞款餘雲母已千霜
冰壺瀉罷同欣怍天乳露迴等壽康自愧涓微無補
報祇應上祝紫霞觴

寄題張真人菴山精舍

旭日初霞晃翠屏琅玕芝草近珠庭玉簫吹徹寫初
下丹液凝成鼎白岳海闊傳絨曾命鶴夜深飛佩欲
騎星洞中石灑移仙乳雲際根長茯苓象轂朱轡
朝太乙寶函金訣授玄經凡情又斷懸應解塵劫都
忘慮已冥却咲蜉蝣同草露也應歲月羨椿齡何由

共把浮丘袂指點三山掌上青

贈馮參議貴馮以給事中從軍文趾擢任

其職

平蕪古堞晚蕭蕭秋盡炎荒草不凋北望休嗟邊檄
遠南來已見瘴烟消受恩節節分清要託顧專城協
上寮海國諸生多在席中朝老將半廻貂文雄慣草
軍門檄地僻曾迂使者輶萬里正看搏羽翼一枝從
此詫鷓鴣座中論俠心逾壯幕下延材氣不驕會見
徵書還賈誼未應投筆羨班超愧余感遇情初浴念
尔相逢意獨饒孤館瘳餘類見過遐方溽暑不辭歌
呼童日午尋茶臼隔屋時來問醴歌正喜詞華泉倒

峽俄驚歲月斗旋杓星河耿耿當窓見島樹依依入

望遙一曲劍歌何

處寫不堪聽盡海門潮

南海劉閩帥席間有成

雨收雲散海天空萬里相逢興不窮畫戟轅門閑夜
月高堂粉署坐薰風也知弓劍長懸久且仗壺觴宴
坐同櫪馬亂嘶邀上客佩魚初妥列羣公芳尊瓊醴
蒲萄色錦席雕盤荔子紅作客久經南瘴遠當筵偏
激劍歌雄玉繩低繞双星外銀甲移來一咲中醉後
忽思驃騎幕灯前含咲看吳鴻

續書評附

蓋聞規矩方圓之至聖人以體天地之撰以類萬物
之情故奇圓而耦方轉筆為圓摺筆為方方之平為
準圓之直為繩陰陽五行所以成象成形也書以方
圓平直為之主而輕重大小低昂長短邪正寓其變
焉上字之於下字左行之於右行橫邪踈密各有攸
當所謂增一分則大長虧一分則太短魚翼鳥翅花
象森嚴血脉生動縱橫曲折無不如意毫髮之間直
無遺憾其四面八方巧於善陣所謂紛紜上闕亂
而不亂渾沌形圓而不可破豈足喻其妙哉必

其一字之間自應絜矩一篇之中可無絜矩之道乎
故右軍書古本最善行列近世惟趙吳興深得其旨
然就一篇之中固皆欲佳密有數字登峯造極者為
之主一字之中雖皆欲善必有一點一鉤一披一拂
主之如兵之有將石之有玉使人玩繹不可名言若
握筆則虛圓正緊四字盡之其餘以意變通則壓捺
鉤揭抵拒導逸其說益密矣至於用筆之功鋒芒毫
釐之間正用之側用之偏用之批荅用之背向用之
承覆用之傲讓用之低昂用之長短用之逆而順之
下而上之襲而掩之空中擲之架空捨之窮深掣之
頓挫之鬱屈之周而折之抑而揚之歲而出之垂而
縮之往而復之盤旋之踴躍之漶之使之入劔之使
之凝築之如穿披之如埽注之耀之指之擢之揮之
掉之提之拂之收而縱之發而伸之淋之浸滂之使
之茂卷之感之雕而琢之使之密覆之削之使之瑩
鼓之舞之使之奇喜而舒之如見佳麗如遠行客過
故鄉發其怡怒而激之如撫劍操戈介萬騎而馳之
發其壯哀而思也低回聚促登高弔古慨然而發其
悲樂而融之如夢華胥之遊聽鈞天之樂與其簞瓢
而樂之也忘情筆硯之間和調心手之用不知物我
之有間體合造化而生成之也而後為能書之至尔

自述誄

王偁字孟揚其先東河人宋寶元康定用兵西方士
有沒于元昊者王氏遂為西方人元有天下其地最
後附賜姓唐元氏高祖王父某從下江淮授武德將
軍總管鎮廬州曾祖王父某祖王父某相繼襲爵改
上千戶沒俱葬大蜀山下先府君某當捨攘以材用
薦者調民職廬州路治中歷江西福建行省郎中至
階朝列大夫潮州路總管當時稱廉吏第一人所蒞
政績卓異字惠小民攘剔豪右禮賢士植綱紀民奉
以祠元運改王度時不可為浮海去之道閩之父老
遽留退居永福山中為黃冠服者十年之數之數之
朝廷聘之耻為二姓臣遂自引決嗚呼是時偁生方

六齡家巖然壁立太夫人守節自誓艱阻備嘗手疏
先君之蹟與古今豪傑大略教之外王父姓劉氏諱
某由宣文閣博士出僉閩憲再召入為秘書丞沒王
事贈嘉議大夫福建行省叅知政事其學淹貫靡不
究博古好雅翰墨之妙絕當世偁不及見之閩先正
聞過齋吳公學行醇偉為士林望與先君交誼相與
也先君沒時屬偁夫子教之第未弱冠夫子沒偁之
罔依歸賴外王父遺圖書手澤多杜門自研涵少多
病負第者三年莫臻其至弱冠入庠序與陳君從範
游陳蚤入聞過夫子室獲其指授懇、汰其瑕礫示
以瑜瑾一旦如發部矣洪武庚午賓興歲領薦方去

海濱觀光上國會試禮部不利列入國子處縉雲朱
先生館下日求齊魯士與談訪其遺風及四方之賢
者而私淑之上表陳情乞終養

高皇帝憫之南歸越震澤徘徊吳會間不敢留趨侍
湯藥膝下始冀收其實而從範已物故閩父老亦凋
剝殆盡四睇毗落無可與語晚得晉昌林誌相與論
學假以柯範抗顏為多暇則窮幽極深徜徉物表趣
豁如也未幾太夫人捐館舍嗚呼居喪不_敢渝禮既
合先君坐廬墓下者六年永樂初元以推轂者至京
師待命黃閣因自陳願處學校勵人材不允授從事
郎史官翰林檢討進講經筵以文學供職時錢塘王

洪擅詞垣與同官一見過相推重

勅脩大典萃內

外儒臣及四方韋布士毋慮數千人濫竽總裁之列
大將軍英公覆征交趾辟居幕下於是泛洞庭浮沅
湘歷九疑弔蒼梧徵兵南海既而窮象桂道五管觀
師于日南九真之文時有贊勳大將軍待以為揖客
歸仍守其舊官先娶鄭氏新安人前名御史潛之孫
女先卒再娶薛氏閩故族孝養子姑貞淑內得其亮
生男一人振女子某一人其次男拱女子某十人側
室李氏出也此族系出處之槩少銳志於有為毅乎
思準古以馭今而用弗以施學雖服群聖獵百家窮
幽明亟於聞道而質淪恣杌遇登高弔古慨然發其

悲壯愉樂一寓於文若詩而辭愧土苴其為人則似
籛而容似傲而恭家貧而心樂身困而處裕然疾惡
太過遇權貴不能俛首下之任情以直不能斲以
人成功此其見短於世也見人善不啻若已有之雖
匹夫問未嘗不竭以盡與人交內外莫敢携此則自
以為長焉若夫惋以為終身之憾者齒失所怙哭吾
父幾不能生粗知學而哭吾之師如哭吾之父焉未
幾哭吾友如哭吾之師比得祿而太夫人不逮養有
子教之未立荷

兩朝之恩而莫一舉報嗚呼况茲身繫縲紲西山東
陵瀕而未分孤臣之號庶女之慟南音之戚梁岬之
章孰為發之日者以支幹推定人既福生死謂吾年
日皆庚迪于丙歲在闕逢麗于鶉火其弗延矣嗚呼
其果然耶孟子曰桎梏死者非正命也晝夜之理吾
曷念之因述其系而極之以呼天之辭用自誅俾後
之為烏為為螻蟻在陽侯在回祿或返其遺骸或招
其魂魄或藏其衣冠庶令有考者憫其志而哀之焉
辭曰

予槩觀夫古之人怙材者恒困於弗施志大者惟
顛頓之屢躋嗚呼孟揚矧尔之古之才而尚其志
焉得不奇於時而諉於尔負而
君尔負而親嗚呼誰其白之悠悠蒼天

虛舟集終

書虛舟集後

嗚呼此吾閩先正王孟揚先生集也先生蚤
歲業儒我

高皇朝應進士選入太學乞歸養定省之暇脩
焉自如晚得與林宮諭尚默先生相交善

文皇初受知者薦以布衣入侍

講筵拜翰林檢討

天兵下安南英國公辟居幕下贊畫尤多先生
之文力追古作詩則直窮漢魏而與李唐諸
人相頡頏具正法眼者當自知之第其爲人

豪宕跌宕傲睨一世不與時高下以此被誣
繫獄而卒以死可哀也夫昔人謂李廣不侯
爲數竒而世之騷人墨士多抑鬱窮愁終不
能以自達如楚屈平之湘羅賈太傅之長沙
柳柳州劉縉州之投竄荒裔觀先生自誅之
詞所謂數竒者果其然歟抑韓昌黎所謂斥
不久窮不極雖有出於人其文學辭章必不
能自力以致心傳於後如今無疑者然也是
集先師世華王先生守素時嘗翻刻諸郡齋
年久板缺不能無魯魚亥豕之訛予近得善
本于同寅徐君宗獻所爰因巡歷之暇屬素
守鄭君克新重加校正訂其訛而補其闕俾
後之觀是集者因詩以知文因文以考其爲
人庶先生之心得白于天下後世云
明嘉靖改元歲壬午冬十月吉閩後學僅窓
居士陳墀書于江藩分署

